

欽定大清會典事例

欽定大清會典事例卷一百四十

吏部

終養

旗員告養

漢員告養

旗員告養○康熙七年題准漢軍外官亦照漢官例一體終養○乾隆五年議准滿洲蒙古在京文職旗員皆不准告請終養外其有補授外任旗缺如

盛京五部司官筆帖式並

陵寢官員奉天甯古塔黑龍江等處將軍衙門以及吉林烏拉齊齊哈爾及驛站關口官員筆帖式各

省駐防將軍城守尉督撫隨印筆帖式及理事同知通判並補授外任漢缺如督撫布按道府等官或遇祖父母父母年七十以上其子均出任在外戶內別無次丁或有兄弟篤疾不能侍奉或母老雖有兄弟同父異母及父母至八十以上雖家有次丁而願請歸養者准其呈報該管上司題奏到日由部行令該旗出具確實印結報部照漢官一例終養凡查明政務錢糧交代給咨以及應補等項均照漢官之例再滿洲蒙古候選候補外任旗缺者原無投供驗到之

例吏部照伊等年月先後挨次選補。如有情願呈請終養者。亦照此例。以上旗缺漢缺各官。如有浮開年歲假捏事故藉端規避等情。及出結官。皆照漢官例議處。○四十二年

諭兵部奏請陝西西鳳協副將仲泰母老終養一摺。旗員向無終養之例。我滿洲從來淳樸之習。但知尊君效力。家計有所弗顧。即外任有因親老情願回旗者。原不妨據實呈明該上司回京當差。候朕酌用京職。既得遂其私情。又有俸祿養贍。若照綠營終養之例。回京間任轉屬非是。而其人不得俸祿。亦必致艱窘。

如因該員養親事畢仍得外用則旗人更不應如此存心計圖便宜伊等外用原係朕特恩豈可因此希圖戀職沾染外官習氣設使奉派出差出兵伊等亦得因親老呈請終養乎所有嗣後旗人終養之例著停止其有親老情願回京者准其具呈督撫奏明送部引見文員以部屬用武員或用侍衛或用旗職候朕酌量降旨仲泰著即照此例行○四十九年

諭嗣後各旗文武官員如有父母年至七十五歲以上者均不准保送外任庶旗員共知祿養承歡克敦內行亦移孝作忠之一道也○五十年議准外任旗員

有呈請終養者。照候補候選旗員親老改補京職之例。帶領引

見恭候

欽定對品以京員用。○嘉慶五年奏准。八旗官員無終養之例。凡父母年至七十五歲以上者。均不准保送外任。其有先經外任。後因父母年老呈請回旗侍養者。該督撫取具印結到部。按改補京職之例辦理。漢軍佐雜人員亦照此例。至八旗候補候選及捐納外任官員。父母年至七十五歲以上。家有兄弟侍養者。不必概令其子改

補京職。其有選期到班。呈請留京侍養者。照例以京職改補。○十年

諭。本日據福慶奏。旗員瑭祿。因親老懇請回京當差。已降旨照所請行矣。因思旗員終養之例。久經停止。如果在外服官年久。因親老呈請回京。例所不禁。今瑭祿於嘉慶八年。簡補鎮遠府員缺。其時該員生母年已七旬有四。如果難以遠行。即應陳請留京。乃業已到黔。甫及二年。旋以親老陳請回京。若不定以限制。恐該員等或因到任後見缺分平常。希圖規避。或與上司有意見不合之處。藉詞引退。甚或因囊橐已飽。

冀得歸家安享。託詞親老懇請回京。種種情偽亦不可不防其漸。嗣後旗員如果有親年已逾七旬家無次下及其親年未合例素有疾病者均應於在京補放時即行呈明留京當差。儻於到任後一二年間遽行陳請回京者俱不准行。著為令。○又奏准漢軍人員所補各缺自內閣侍讀典籍中書六部理藩院堂主事大理寺寺丞太常寺博士欽天監秋官正靈臺郎司晨博士等官以至漢軍筆帖式凡有漢軍專缺者俱照旗員之例。遇有親年七十五歲以上停其升選保送外缺其餘京外大

小各官並無漢軍專缺。以及候補候選人員。其親老年歲俱查照漢員改近之例辦理。如父母年至七十八十以上。亦照漢員終養之例覈辦。○同治十二年奏准。各省駐防人員。有在他省服官。身係獨子。父母年至七十五歲以上者。如未迎養。在署在寓。飭令回駐防處所終養。如業經迎養。即毋庸飭令棄職終養。如在駐防本省服官。父母年至七十五歲以上者。無論是否獨子。均毋庸飭令棄職終養。有自願呈請終養者。亦一體准行。

漢員告養。○順治十三年題准。凡內外官員。有祖父母。及父母年老。無伯叔兄弟者。一體終養。○康熙三年題准。父母年七十以上。其子均出仕在外。戶內別無次丁者。或有兄弟篤疾。不能侍奉者。或母老。雖有兄弟。而同父異母者。皆准回籍終養。其父母年至八十以上。雖家有次丁。願歸養者。聽。均不拘歷俸三年之限。京官具呈到部。具題外官督撫代題。仍取同鄉官印結督撫。則互相代題。均俟應補之日。起文赴部補用。○九年題准。繼母一體終養。○五十八年議准。告假回籍官

員。遇親老篤疾者。地方官出具印結。呈詳督撫。保題到日。許暫留在籍侍奉。俟親病痊可。給咨赴部。○雍正五年議准。凡應補應選外官。果有親老情願終養者。於本省起文時。即具呈該地方官轉詳咨部。在籍終養。若現任官員。或父母衰病。迎養維艱。詳請終養者。該督撫查該員政務並無怠忽。倉庫錢糧並無虧空。取結具題。准其回籍終養。再或從前家有次丁。出仕之後。兄弟忽遭事故。無人侍奉者。該督撫取具原籍地方官印結具題。准其回籍終養。如兄弟別無事

故親年雖老。妄請終養者。照規避例革職。○乾隆二年議准。官員告請終養。該督撫查明取具印結一面題咨。一面飭令交代清楚。即給咨回籍。不必守候部覆。儻告終養之員。有情雖可憫。而與例不符者。仍照舊例具題請

旨。聽候議覆。遵行。如有浮開年歲。假捏事故。藉端規避者。事發。照規避例革職。出結官照徇情例降

二級調用。

今現行則例內載。或含終養本條。不遵別捏告病者。一經發覺。本員及驗

看之員均革職。如結之上司降三級調用。轉詳之上司降二級留任。具題之督撫降一級留任。

○十四年

論。向例官員以親老改補近地者仍令坐補原缺。所以杜規避也。而告請終養之員未有坐補原缺之例。夫父母年逾耆耄許令侍養乃國家錫類之令典。然親年子所素知何必俟莅任後方行告請。安知其非因現缺平常將來即可銓補他缺藉以自便其私。是轉為巧於規避者開捷徑矣。嗣後官員親老與終養之例相符者於未得缺前許其呈請其已經銓選抵任者將來亦坐補原缺著為例。○五十年奏准現任及試用人員凡親年八十以上及獨子之親年七十以上者通飭自行呈明聽其終養。○又議准

現任在京漢員。及部院行走未經得缺漢員。凡親年八十以上。及獨子之親年七十以上。現在未經迎養者。一體飭令自行呈明終養。至候補候選京外各官。其親年已屆七十八十者。亦一體遵照辦理。查候補候選在部投供各官。並在部在館候補候選。及捐納分發佐雜。已經取有赴補赴選咨文投部者。俱令取具同鄉京官印結。聲明父母實在年歲。有無次丁。黏呈投部。以便查覈。凡親年八十以上。及獨子之親年七十以上者。停其銓選。在籍候補候選佐雜。已經取

有赴補赴選文結投部者應俟得缺後封發文
憑到省時該督撫查明該員父母年歲及是否
獨子如親年係八十以上及獨子之親年七十
以上者即行咨部開缺另選其未經取有文結
到部者均令該督撫將該員父母年歲及是否
獨子之處於選補文結內詳細聲明咨部以便
查覈辦理○又

諭御史費孝昌奏酌定終養章程一摺所奏甚屬錯謬
前據陸燿奏現任及試用人員凡親年八十以上及
獨子之親年七十以上並未迎養在署者通飭自行

呈明終養。朕以其意在教孝。當即降旨。允行。昨復據吏部奏。官員父母年老。先已迎養在署者。准該員呈明。止停其升轉。不必概令離任回籍。蓋以人子之心。總以養與不養為先。既迎養在署。即可朝夕侍養。亦非忘親戀祿。其所以體恤臣工者。已屬公私兼盡。乃費孝昌何得復有此奏。其意不過以一經回籍。便不能有資利祿而已。夫士人讀書明理。策名入仕。自當敬事後食。移孝作忠。為人臣為人子。均不當斤斤於釜鍾之計。費孝昌獨非人子。何為此貪祿忘親之言乎。且其摺內有君設身以處。而探其情一語。君字自

係不通文理之泛論。然竟敢形之奏摺。是何肺腑。著大學士會同軍機大臣。問明具奏。○嘉慶五年。奏准漢官父母年屆八十以上。而有同胞兄弟出仕在外。其父母業經就養。兄弟任所。不必概令諸子棄職終養。有呈請終養者。仍照例准行。至漢官之父年屆七十八十以上。而精力未衰。現尚服官任職。其子不必概令棄職前赴父任侍養。有呈請終養者。仍照例准行。再漢官有身係獨子。家無次丁。如於父母年未七十。業經迎養在署。迨該員父母年至七十八十時。毋庸飭令棄

職終養。有願呈請終養者。仍照例准行。○又奏准。官員出繼為人後。如所繼父母尚在。不准以本生父母年老。呈請終養。若所繼父母已故。而本生父母年屆七十八以上。雖有同胞兄弟。或均出仕在外。或廢疾不能侍養。該員呈請終養。本生父母養者。准其回籍終養。○又奏准。教職官員。僅迴避本府。例不出省。凡現任教職及候補候選教職各員。無論父母年至七十八以上。該員是否獨子。均毋庸飭令棄職終養。其願終養者。仍聽其便。○又奏准。內外大小各員。凡

派委兵差軍營辦事。及有經手未清緊要事件者。無論父母年至七十八十以上。該員是否獨子。均不准其終養。○又奏准。合例終養。親年八十以上。及七十以上。獨子者。京職三品以上。自行具奏。四五品京堂。六品國子監司業。具呈本衙門。移咨吏部開缺。吏部據咨專題俟奉

旨。准其終養。後開缺。翰林院侍讀學士等官。都察院給事中。各道暨各部院寺司員以下。呈報本衙門。移咨吏部。吏部據咨開缺。仍入半月彙題。外官州縣以上。該督撫具題開缺。科鈔到部。吏部

照例咨覆州同以下該督撫咨報吏部後即據咨開缺仍入半月彙題○又奏准未合例終養親年未符情有可憫京官三品以上大員自行具奏請

旨四五品京堂六品國子監司業及翰林院侍讀學士等官都察院給事中各道各部院寺司員以下由本衙門具奏請

旨俟奉

旨准行後知照吏部開缺外官州縣以上督撫具題請

旨奉

旨准行者。科鈔到部。即行開缺。奉

旨議奏者。科鈔到部。吏部具題候

旨。飭知遵行。州同以下。督撫咨報吏部。吏部據咨開

缺。仍入半月彙題。○又奏准漢官父母年。至七

十以上。該員身係獨子。如業經出仕。並未迎養。

在署。以及在籍候選人員。均飭令終養。其京外

候補各官。並在京候選人員。遇有親老業經迎

養在寓者。在京候補候選人員。取具同鄉京官

印結。在外候補人員。取具同城地方官印結。咨

部存案均毋庸飭令棄職終養。

候選人員得缺赴任於迎養到

著後亦取其同城地方官印結咨部

如有捏飾仍將本員及出結

官從嚴議處其有情願終養者仍照例准行。若候補候選人員親年七十以上未經迎養在寓仍飭令終養。

欽定大清會典事例卷一百四十一

吏部

籍貫

改籍名

更名復姓出繼歸宗

官員同

改籍○順治年間定。官員寄籍他省。願改歸原籍者。在京。令本人取具同鄉京官印結。吏部移咨該省。轉飭地方官。出具確實印結。咨部。在外。令本人呈明督撫。取具地方官印結。咨部。現任京官中行評博以上。外官知縣以上。由部具題更改。其餘現任及候選官員。據咨註冊。如有假冒情弊。查出。將本人革職治罪。出結官。照代頂

冒人員出結例革職。○乾隆十七年奏准嗣後
無論正印佐雜務須查明實係土著果有房產
親族眷屬可憑與例相符者取具切實鄰里地
保甘結始准結送如無前項實據可憑即屬詭
寄混冒之人令其改正的實籍貫赴本籍起文
送部不得濫行結送儻地方官不行詳查仍前
蒙混出結日後本官如有應追之項咨查到籍
而地方官又稱並無其人以致帑項虛懸者將
本人查出嚴行治罪外仍將原出結之地方官
交部照例議處至從前已經結送人員仍由各

該督撫府尹將各現任之員轉飭確查於接到部文半年內令其呈明的實籍貫改歸本籍移咨各本省督撫存案並咨明吏部註冊其在部投供者令其呈明吏部在籍候選者呈明該地方官一體改歸本籍知照各該督撫暨吏部註冊儻有隱匿不報查出照例議處○二十八年奏准嗣後籍隸大興宛平二縣各項職員姓名籍貫概不准呈請更改○二十九年議准寄籍人員於起文時既將寄籍本籍自行呈明已可按冊而稽應一面據寄籍地方印結註冊銓選

一面行查本籍。儻本籍並無其人。即照假冒例查叅革職。如實有其人。即令本籍報部存案。至現在寄籍人員。其現已得缺及在籍候選者。亦行文各省督撫府尹。於接到部文之日。限半年內。轉飭將實在本籍呈明咨部。其在部候選各員。即出示曉諭。令將實在本籍呈明。以便行查。

○三十一年覆准。現在官員改籍。及呈明本籍註冊。取具本員親供。經該管上司查覆轉咨。同官即毋庸出具印結。其在籍候選官員改籍。及呈明本籍註冊。亦止取本員親供。及里鄰戶族

甘結亦毋庸加具印結。○三十八年題准順天籍貫人員除寄籍二十年以上在京已置立產業而本籍並無產業可依者准其呈明照例入籍仍聲明祖籍某處以憑稽覈外其現任人員內如有並非土著實係外省寄籍者京官限三月內在各部院衙門自行呈明外官限一年內呈明該省督撫轉咨吏部一體改歸原籍其在籍候選人員及舉貢生監並令赴地方官呈明更正統照外官例勒限一年除已於限內呈明或因輾轉行查稍逾三月一年之限毋庸另行

察議外。如逾限竟不呈明改正者。查出照例治罪。至現在赴部候補候選人員。即令就近取結呈明。准其更正。仍令該員取具本籍同鄉京官印結送部。照例銓選。毋庸再由地方官另取文結。至大宛兩縣捐納貢監及捐職人員。先令取具同鄉京官實係土著印結黏呈戶部。查覈與例相符者。方准報捐。仍於收捐後將所送印結剗發順天府。飭交大宛兩縣備案存查。如有假冒情事。即將出結官照例議處。其報捐時並未呈送印結者。概不准其報捐。以杜冒濫。○四十

年奏准由祖籍改入寄籍者。應將該員現有房產親屬之處。作迴避五百里之籍。令該員自行呈明。行令該督撫將該員房產俱在何處親屬俱係何人。詳細查明。取具地方官並族鄰甘結咨部。如所查與原呈不符。即將該員照例議處。

○四十二年

諭本日戶部三庫帶領浙江解餉官紹興府通判張廷泰引見。聽其所奏履歷似紹興語音。因加詢問。據奏幼曾隨父至紹興住居數年。遂習其土音等語。此與浙人寄籍順天者何異。而其言尚未必信然也。通判

雖係閒曹。但以本籍人備官。其地於體制究為未合。張廷泰著交與鐘音於福建通判內調補。至於順天大宛兩縣土著甚少。各省人民來京居住稍久。遂爾占籍。從前曾令自行報明。改歸本籍。其中或實係無家可歸者。亦令呈明原籍某處一體迴避。今張廷泰既係如此。恐各省現任官員類此者尚多。著交各督撫通行確查。令其自行呈明。奏聞與鄰省對調。此乃不罷其官。何不可之有。如此加恩。而尚諱匿不報。經該督撫查出。即應治罪矣。至順天應試。則有審音御史。驗看月官。則特派九卿科道。皆宜悉心詢查。且朕

於各官引見。奏對履歷。為時無幾。尚能辨其語音。諸臣審音驗看時。如果留心體察。南北音聲。無難立辨。皆由諸臣視此等事。不以為意。遂至混淆莫辨。殊失敬事之意。至冒籍人員等。即呈明原籍。不過迴避本省。於他省仍可銓授。並不礙其仕進之途。何所顧忌。而必不肯改。甚至於本籍居官。非但政體有關。且筮仕之初。即公然習為欺偽。其於世道人心。所繫匪淺。此次降旨之後。如冒籍者尚敢匿不報明。其審音驗看諸臣。復不認真糾劾。經朕查出。除將本人究治外。定查明審音御史。及原派之九卿科道。一併議處。至

仕途本寬。尚有不由科目銓選者。其如何分別稽覈之處。著該部詳細妥議具奏。欽此。遵。

旨議定。嗣後除順天應試。責成審音御史外。凡赴選驗看期滿各項文結內。令各該管官確實查明。該員有無寄籍祖籍。並何年月日入籍改歸之處。詳細聲明報部。一體迴避。如實係本籍。亦即於文結內註明委係土著字樣。投供時同鄉京官印結內。並令載明寄籍祖籍及實係本籍字樣。以備查覈。在部投供者。責令九卿科道悉心詢察。在籍在館者。責令督撫提調等詳加詰問。如

有混冒。立即糾參治罪。並將濫行出結之地方官。並同鄉京官。以及不行詳查之九卿科道。並督撫提調等官。均照例議處。至現在候選候挑各員。如有從前文結。未經聲明者。限令三月內。取具同鄉京官印結。載明有無寄籍祖籍。實係土著字樣。報部查覈辦理。○五十五年覆准。考滿吏員。著役時。不論土著寄籍。俱准充補。籍貫本難稽查。往往有冒籍順天。意在便於申覆。將來仍改歸原籍。復姓歸宗者。即在京例不考試之繁缺書吏中。冒充順天籍貫者。亦復不少。嗣

後考職吏員。並例不考職繁缺書吏倉書儒士。以及改入捐班書吏。籍隸順天者。一概停其加捐分發。○又議准。嗣後籍隸順天之吏員。無論繁簡。如有呈請改籍者。概不准行。○五十六年。奏准。內外各衙門。已未滿書吏及供事。有呈請改籍者。亦不准行。○嘉慶五年。奏准。官員入籍。先因祖父貿易游幕。及出仕外省。即在寄居地方。置有產業。計在二十年以上者。該地方官。取具族鄰印甘各結。咨送報部。准其入於寄籍。作為土著。至官員歸籍。前因祖父貿易游幕寄籍。

外省。後情願改歸原籍者。應行查原籍。果有墳墓田廬。並取具親族鄰里甘結。該地方官咨覆到部。准其改歸原籍。○十二年

諭。通政司副使閻泰和奏請清查外省冒籍一摺。據稱山西省近年以來。南省士子接踵冒籍考試。入學補廩者相繼而起。其中獲登科第。身任職官者。亦不乏人。請飭交山西巡撫嚴令地方官實力查禁等語。冒籍混考。希圖倖進之弊。不獨山西為然。各直省恐亦在所不免。自應一體飭禁。以杜弊混。惟是欲嚴冒籍之禁。必先端始進之階。士子報名應試。總須本籍廩

保出結。方准與考。即由捐納等項出仕者。亦必有本地方官印結。與其紛紛查辦於事後。曷若慎重於事先。嗣後各直省督撫。應飭令地方官。於士子考試出仕之初。實力查禁。俾冒籍者無可徼幸。其業經中式及現任職官。准其自行呈明。應改歸原籍者。仍照舊例行。○又

諭。周廷棟奏。大宛兩縣童試冒籍較多。據實奏請查辦。一摺。考試為掄才大典。而府縣試尤為士子始進之階。文風各省不同。學額亦定數不一。自應嚴禁冒籍。以遊實學而息紛爭。京師大宛兩縣。為四方人文萃

聚之區。向來多有南省士子希圖倖進。冒籍應試者。歷經科道等條奏清查。而此弊相沿已久。仍未肅清。總由不肖廉保。扶同徇隱。而特經派出之審音御史等。又視為積習相沿。懼干嫌怨。仍不實力稽查所致。現在正屆順天府試之期。已派出御史達德鄭士超二員。前赴貢院。會同該府丞審音。該御史等當逐一詳細確查。秉公點驗。如一經查有弊竇。即著據實參奏。其從前冒籍諸生。已登科第。及現任職官者。應如何立限勒令呈明改歸原籍。並酌予罰懲之處。著交吏禮二部。會同順天府。詳查舊案。妥議具奏。○道光

四年奏准。候補候選及現在出仕各官。呈請入籍。並改歸原籍者。在京。令本人取具同鄉京官印結。呈報吏部。移咨該省督撫。轉飭該地方官。出具確實印結咨部。在外。呈明各該督撫。取具該地方官確實印結咨部。照更名復姓之例。按照品級。分別題咨辦理。如有假冒等情。將該員降三級調用。在內出結之同鄉官。降一級留任。在外詳報之州縣官。降一級調用。轉詳之府州。降一級留任。藩司罰俸一年。督撫罰俸六月。其有徑由督撫咨部者。督撫照州縣例議處。○同

治十二年奏准。凡由俊秀捐貢捐監。加捐官職。及文童勞績保舉人員。概不准其改籍入籍。

更名復姓出繼歸宗。○康熙三年題准。漢軍漢人官員更名復姓者。在內中行評博以上。在外知縣以上。皆令具題。其餘現任及候選官。均由部覈明註冊。旗人取該都統印結。漢人在京取同鄉京官印結。在外具呈地方官咨部。准其更復旗人。移咨戶兵二部。暨該都統。漢人止咨戶部。○又題准。督撫有更名復姓者。許互相代題。○乾隆二年覆准。官員出繼為人後者。於起文

赴部選補時。即將本身三代姓氏存歿一併開列文內。送部存案。選補之後。即行知照該省。如有出仕之後。始行出繼歸宗者。即飭該員取本旗籍印結。詳報咨部。改正三代。儻於父母疾篤之時。假捏出繼歸宗。豫為匿喪。戀職地步者。照匿喪例。革職。不准援。

赦。其扶同出結之旗籍各官。照徇情例。降二級調用。謹案此條光緒十一年改定。照徇情降二級調用本例。如等議處。 ○四年覆准。

官員復姓者。除漢軍官員。聽該旗確實查明。移咨戶部辦理。准其歸宗者。移咨吏部復姓外。其

旗員更名。並各省官員呈請更名復姓事件。俱按照品級分別具題註冊。准其更復。如有假冒等情。將該員革職治罪。出結官照代頂冒人員

出結例革職。

謹案此條道光四年改定。如有假冒等情。將該員降三級調用在內。

出結之同鄉官降一級留任在外。詳報之州縣官降一級調用。轉詳之府州降一級留任。藩司

罰俸一年。

督撫罰俸六月。其有經由督撫咨部者。將督撫照州縣例議處。若無開銓選人員有

蒙混更名復姓歸宗者。將出結之京官罰俸一年。詳報之州縣降一級留任。府州罰俸一年。

○三十一年覆准。現任官員更名復姓。令取具該員親供。及同鄉官印結。以防捏飾。同官毋庸

取具印結。在籍候選官員更名復姓。亦止取本

員親供及里鄰戶族甘結亦毋庸加具印結○

四十年

諭前據戶部代奏郎中楊嗣曾呈請仍從伊父所嗣徐姓為後曾降旨令薩載確查有無應繼宗支今據薩載覆奏查故監徐沂實無嫡派近支亦無產業等語是楊嗣曾所請仍嗣徐姓之處尚有良心著准其改嗣徐姓為後○又

諭戶部奏軍營病故乏嗣人員請照陣亡之例准以獨子立嗣一摺已依議行矣獨子不准出繼本非定例前因太僕寺少卿魯國華條奏經部議准行但立繼

一事專為承桃奉養。固當按昭穆之序。亦宜順孀婦之心。所以例載嗣子不得於所後之親。唯其另立。實準乎情理之宜也。至獨子雖宗支所繫。但或其人已死。而其兄弟各有一子。豈忍視其無後。且現存者尚可生育。而死者應與續延。即或兄弟俱已無存。而以一一人承二房宗祀。亦未始非從權以合經。又或死者有應襲之職。不幸無嗣。與其拘泥獨子之例。求諸遠族。何如先儘親兄弟之子。不論是否獨子。令其繼嗣之為愈乎。嗣後遇有孀婦應行立繼之事。除照例按依昭穆倫次相當外。應聽孀婦擇其屬意之人。並問

之本房。是否願繼。取有合族甘結。即獨子亦准出繼。庶窮養得以母子相安。而立嗣亦不至以成例阻格。該部即照此辦理。著為令。○五十五年議准。籍隸順天之吏員。無論繁簡。如有呈請歸宗復姓等事。概不准行。○五十六年奏准。在京各部院衙門及各直省書吏。無論已滿未滿。概不准其歸宗更名復姓。各館各衙門供事。有似此呈請者。亦不准行。○嘉慶五年奏准。八旗官員更名。如係該衙門咨報者。應行取本佐領圖記送部。方准更名。如係本旗咨報者。即准更改。不必行取佐

領圖記。○又奏准官員出繼。該地方官取有宗圖冊結。族鄰甘結。並加具印結。咨報到部者。吏部查與出繼舊例相符。准其出繼。至官員歸宗。果因繼父生有親子。長大成立。該員情願歸宗者。該地方官取具宗圖冊結。並親族印甘各結。咨送報部。准其歸宗。○二十五年奏准各衙門考取供事。報部冊內。即將籍貫三代。及有無出繼之處。詳細開明。如有指稱出繼異姓。或出繼同姓。而籍貫迥異者。概予除名。其考取報部冊內。本無兩籍兩姓。而補缺取結時。忽又添寫承

繼聲明本生父母者。一概斥革。不准著役。如丁憂時呈報兩籍兩姓。及請復姓歸宗者。即予斥革。並吏員取結丁憂。皆一體辦理。其文選司給照時。亦付查驗封司。覈明原結。毋稍歧異。其有呈請更名改籍者。仍一概不准。○道光四年議准。官員出繼歸宗之案。應於清冊內。將三代年歲存歿。詳細開載。如文結內業已開明。無論有無清冊。即毋庸駁查。○又奏准。官員更名。先令該員於呈結內。聲明任內並無奉旨。不准保升。及曾經獲咎。不准捐復。並奉有

特旨永不敘用各事故。由部覈明。准其更改。儻有以
上各事故者。除不准更名外。仍將本員及出結
官分別議處。○二十二年奏准。揀選舉人。截取
後尚未赴部投供。大批一等人員。尚未分發。候
選教職。未經補缺。八旗滿洲蒙古漢軍文舉人。
未經銓選到班。遇有出繼歸宗更名改籍等項
事故。悉歸禮部辦理。覈准後。知照吏部註冊。○
咸豐六年奏准。初捐官職。及雖係捐升。而原官
並未銓補。分發到省者。均不准更名復姓。出繼
歸宗。俟到任到省後。方准呈請覈辦。以杜冒混。

之弊。○同治八年奏准所有更名復姓出繼歸宗等事。除由正途出身人員照例准行外。凡由俊秀貢監加捐官職人員。無論在部候選。及已分發到省銓補到任。概不准行。○十二年奏准翰詹科道等官有言責者。如遇更名事件。專案具題。○光緒七年奏准除俊秀文童監生出身。不准更名。並監生出身。照俊秀文童之例。不准改籍外。如遇有官員出繼。無論何項出身。取具圖結到部。查與舊例相符。即行照准。儻有各項情弊。別經發覺。除本員照例議處。並將加結之

地方官加等予以處分。○十一年奏准。凡由俊秀捐貢捐監。加捐官職。及文童勞績保舉人員。概不准其更名。○又奏准。吏員供事出身人員。其有出繼同姓的。係昭穆相當。父子並非異籍者。准其為所後父母守制二十七月。為本生父母。治喪一年。若有承祀者。照承祀之例。仍行查原籍。取具宗圖供甘冊結咨部覈辦。如係虛捏。即予斥革。至此內有關實缺人員。一經咨報治喪。即行開缺。以杜壓缺挪缺之弊。○又奏准。外任漢官投供候選。及在部候挑。續請分發人員。在其取具同

鄉京官印結。赴部呈請更名。其外省現任。及原籍候選人員。赴部呈請更名者。仍一概不准。○又奏准。官員自幼出繼異姓。即從其姓。出仕者。遇異姓父母病故。即飭令該員復歸本宗。毋庸丁憂。並取具原籍地方官印結。鄰族甘結。宗圖清冊。咨部改正三代。如報本生父母病故。亦即飭令歸宗。照例離任。丁憂二十七月。不計閏。○又定。捐保初次註冊之時。早已聲明出繼三代。後經督撫咨請歸宗復姓。查無不合例事故。始行照准。若初次註冊文結內。並未開載出繼三

代以後無論何時咨請歸宗復姓概不准行。

官員同名。○乾隆四十一年

諭貴州按察使國棟奏報起程陞見一摺。據稱臬司印務移交貴西道國棟署理。正署同名。殊易相混。因思雍正年間曾奉

諭旨。遇有與大臣同名之人。令官小者改避。今國棟雖非大臣。但黔省一司一道同名。究非體制。著將道員國棟改名國梁。嗣後著各督撫留心查考。如一省內有司道同名者。將道員奏請改名。有道府同名者。將知府改名。以示區別。餘著以此類推。著為令。○同治

十二年奏准吏員供事出身人員與現任上司姓名俱同者准其更名。係同名不同姓者仍不准其更改。凡由俊秀文章童捐保人員均照吏員供事辦理。以上數項出身人員若遇服官同省班次姓名俱係相同由該督撫咨報到部即令到省在後之員更名。

欽定大清會典事例卷一百四十二

吏部

世爵

世爵等級
戰功議敘
攻城議敘
陣亡贈

爵

八旗世爵承襲
綠營世職
優給半

屬題補
延恩侯

外戚推恩
行聖公襲爵
行聖公官

世爵等級○

國初定世爵其等有八。曰公。曰侯。曰伯。曰精奇尼

哈番。視一品。曰阿思哈尼哈番。視二品。曰阿達

哈哈番。視三品。曰拜他喇布勒哈番。視四品。曰

挖沙喇哈番。視五品。自公至阿達哈哈番。又各

有三等。凡授爵自挖沙喇哈番始。如挖沙喇哈番。加一挖沙喇哈番。則合為一拜他喇布勒哈番。再加則為拜他喇布勒哈番兼一挖沙喇哈番。再加為三等阿達哈哈番。遞加至一等阿達哈哈番。如加一挖沙喇哈番。則為一等阿達哈哈番兼一挖沙喇哈番。再加則為三等阿思哈尼哈番。積挖沙喇哈番二十有六。則為一等公。

○雍正元年

諭。我國家膺圖受命。則有佐命元臣。際會風雲。開拓疆宇。至於承平之世。亦有勞臣宣力。綏靖不庭。凡厥鴻

猷駿烈。焜耀旂常。於是酬庸獎功。賜以公爵。其中分
為一等至二等三等。所以第其勳勞。表其閎閎。同於
古者河山帶礪之盟。爰及苗裔。永久毋替。甚盛典也。
朕考古封爵之制。漢唐以來。公侯皆係以郡縣之名。
而漢世功名顯著者。則加以美號。如信武冠軍建忠
定遠之屬。並以榮名垂光史冊。本朝封王者。皆選用
嘉美字樣。其嗣襲封則因之。而公爵則但分等次。未
有封號字樣。朕意欲考其當日勳庸。錫以嘉名。追加
為某公。使勳勞之臣。顯功丕績。常赫赫在人耳目間。
而其子孫承襲封號。亦皆顧名思義。共加奮勉。世為

國家效忠抒力。期踵美前人之光。以副朕褒念勳舊之至意。至於宗室外戚。則仿古恩澤侯之例。命為奉恩公。或承恩公。以昭寵錫。其如何命名定制。並將歷來功臣勳戚加錫美號之處。著該部詳查定議具奏。欽此遵。

旨恭擬進呈。

欽定一二三等公美名。襄績公。忠達公。奉義公。超武公。雄勇公。果毅公。信勇公。建烈公。勇勤公。英誠公。○乾隆元年奏定。精奇尼哈番以下世爵。清文並改用漢文。一二三等精奇尼哈番為一二三

等子。一二三等阿思哈尼哈番為一二三等男。
一二三等阿達哈哈番為一二三等輕車都尉。
拜他喇布勒哈番為騎都尉。陀沙喇哈番為雲
騎尉。清文仍從其舊。○十四年

論。我朝定鼎以來。酬庸賞功。列爵惟五。分等惟三。以表
世閥而第宏勳。雍正年間。因公爵居五等之首。仿古
封號字義。錫以嘉名。此誠篤念舊勳。俾奕世子孫承
襲者。顧名思義。意至厚也。但封爵之制。公侯伯一體
優崇。前代侯則有冠軍定遠之稱。伯則有誠意威甯
之號。今公爵令名炳著。而侯伯僅分等次。似屬闕略。

朕欲推廣其意。凡我朝所封侯伯。考厥成勞。追加美號。庶伊嗣人。咸念乃祖。乃父之忠勤。紹修令緒。國家實有賴焉。至於子男同位。自古以地為號。未有別封。可仍其舊。其侯伯如何詳稽勳績。定制命名之處。該部妥酌定議。以聞。欽此。遵。

旨恭擬進呈。

欽定奉義侯。恭誠侯。順勤侯。順義侯。昭武侯。延恩侯。敦惠伯。翼烈伯。宣義伯。襄甯伯。昭毅伯。威靖伯。襄勤伯。誠毅伯。昭信伯。懋烈伯。誠武伯。勤宣伯。其公侯伯美名。由內閣撰擬奉。

旨後載入襲職

誥敕內頒給。○十五年定。自一等公襲二十六次。至雲騎尉襲一次。均按所開襲次。載入。

誥敕。○又定。陣亡人等子孫襲次已完者。賞七品京官。令其世襲罔替。○十六年奏准。嗣後世襲七品官。定為恩騎尉。與

國初所定。合為世爵九等。

戰功議敘。○康熙九年題准。統兵參贊都統護軍統領。前鋒統領。副都統。得一等功牌二。二三四五等功牌各一。授為陀沙喇哈番。營總參領。

散秩官前鋒侍衛得一等功牌三。二三四五等

功牌各一。授為扈沙喇哈番。

去署同。凡一二三四五等皆全者方

受爵或不全。有可抵算者。准其以上等功牌一箇。作下等功牌兩箇。下等者不准接算上等。若前後兩任所得。亦准其合算。

前鋒校護軍校。驍騎校。得一等

功牌四。再得二三四五等功牌各一。授為扈沙

喇哈番。署前鋒校護軍校。驍騎校。得一等功牌

五。再得二三四五等功牌各一。授為扈沙喇哈

番。多一倍至數倍者。由扈沙喇哈番遞加。不足

者註冊。

攻城議敘。○順治元年題准。頭等城池第一登

城者授一等參領。第二登城者授二等參領。第三登城者授三等參領。第四登城者授為佐領。又一分管佐領。第五登城者授為佐領。第六登城者授分管佐領。其都統及領梯攻戰官員俱授為佐領。指路及射箭官員授為分管佐領。二等城池。第一登城者授三等參領。第二登城者授為佐領。又一分管佐領。第三登城者授為佐領。第四登城者授分管佐領。其領梯攻城官員與第三登城者同。指路官員與第四登城者同。三等城池。第一登城者授為佐領。又一分管佐

領。第二登城者。授為佐領。第三登城者。授分管
佐領。其領梯攻戰官員。與第三登城者同。指路
官員。克兩城者。授分管佐領。克一城者。註冊。四
等城池。第一登城者。授為佐領。第二登城者。授
分管佐領。其領梯攻戰官員。與第二登城者同。
指路官員。克兩城者。授分管佐領。克一城者。註
冊。五等城池。第一無梯登城者。授分管佐領。率
領攻戰官員。克兩城者。亦授分管佐領。克一城
者。註冊。凡登城死者。不論城池大小。授為佐領。
○十三年定。登城死者。授拜他喇布勒哈番。○

又議准。應授參領者。改為阿達哈哈番。應授佐領者。改為拜他喇布勒哈番。應授分管佐領者。改為陀沙喇哈番。

攻毀城池議敘。○順治元年題准。攻毀城池第一超越之人。授分管佐領。○十三年題准。第一先登者。授陀沙喇哈番。○康熙九年題准。管領官弁。授拜他喇布勒哈番。

水戰議敘。○順治十四年題准。登跳頭等船為首者。授拜他喇布勒哈番。其次者。授陀沙喇哈番。第三第四第五者。註冊。登跳二等船為首者。

授挖沙喇哈番。第二第三第四者註冊。登跳三等船。第一第二第三者俱註冊。俟後得功積至三箇頭等者。准授官職。如追退空船。小船及敗走之船者。不在此例。其委在船頭目。率領攻戰官員。各照所跳船隻。與第二人同。其餘官及前鋒校護軍校驍騎校。與第三人同。○乾隆五年。奏准。凡軍功議敘。由兵部覈定等第。移咨到部。由部題請授爵。

陣亡贈爵。○康熙九年題准。統兵參贊都統陣亡者。授拜他喇布勒哈番。兼一挖沙喇哈番。前

鋒護軍統領副都統授拜他喇布勒哈番。委署同。
營總參領前鋒校護軍校驍騎校暨有頂戴官。
授陀沙喇哈番。

八旗世爵承襲○天聰五年

諭他國貝子。當太平無事。舉國來歸者。或陣亡。或病故。
子孫准與世襲罔替。危急來歸者。陣亡准襲五次。病
故准襲三次。若每戰身先有功。暨一二次首先攻克
城池者。或陣亡。或病故。各照原官世襲罔替。仍察其
舊日有無罪過。別行酌奪。有出首叛逆大罪者。量授
官職。准襲六次。又自他國太平無事。有子身來歸者。

陣亡准襲四次。病故准襲二次。有臨難危急。而子身來歸者。陣亡准襲二次。病故准襲一次。至於無職之人。或首先登城。或當先戰死。准給官爵。襲二次。拏獲姦細授職者。陣亡准襲一次。病故不准。○十年定。世爵官員。准襲次數。有越十五次以上者。世襲罔替。○順治八年定。官員今遇。

恩詔。其原有襲次者。均准世襲罔替。給予誥命。其原無襲次官員。今

恩詔中。准授拜他喇布勒哈番者。亦給予敕書。陣亡者承襲。病故者不准。其效力軍前所得挖

沙喇哈番者。准承襲一次。○又題准。凡得

誥。救世襲官員亡故。與其子承襲。若無子。方與親兄弟承襲。其承襲官亡故。仍與承襲官之子。若承襲官無子。始與其兄弟承襲。○九年

諭。已得誥命之人。後又得官職者。准其贈給。其襲次有過十次以上者。即准世襲。○十七年

諭。各官得世襲。不幸無子孫者。即斷其承襲。無以示鼓勵。嗣後承襲如無親生子孫者。與親祖父及伯叔兄弟姪男姪孫承襲。其輩數疏遠。及過繼族中之子。不准承襲。永為定例。○十八年題准。一等精奇尼哈番

襲十四次。二等精奇尼哈番襲十三次。三等精奇尼哈番襲十二次。一等阿思哈尼哈番襲十次。二等阿思哈尼哈番襲九次。三等阿思哈尼哈番襲八次。一等阿達哈哈番襲六次。二等阿達哈哈番襲五次。三等阿達哈哈番襲四次。拜他喇布勒哈番襲二次。陀沙喇哈番襲一次。又題准襲職舊例。應襲子男兄弟。原係職官。有以二三人之職。兼併承襲。至公侯伯者。嗣後世爵許以無職親近之人承襲。若無其人。方准有職親近之人兼併承襲。亦不得過子爵。

專指有職親近

之人合併者而言。原領一爵。承襲時亦填寫世
係世襲同替者。其合併一爵。承襲時亦填寫世
襲同替字樣。如係載明承襲次數者。其承襲時
亦填寫承襲次數字樣。如一係世襲同替一係
次數替者。其承襲時填寫合併因。○康熙元
年題准。凡世爵合併至公侯伯者。或年老。或病
故。其子弟承襲時。照原係幾人之爵。仍與幾人
分襲。將品大之官。與其親近子弟。若子弟無可
分襲者。奏請

欽定。○二年

諭。凡有世爵兼佐領之員。或亡故。或年老離任。願分給
弟兄者。該部驗明具題。○七年題准。凡一人所立之

爵。不准與二三人分襲。若一人承襲二三人所立之爵。仍與二三人分襲。○九年題准。初授世爵。准襲次數。越十五次者。世襲罔替。給予

誥命。○十五年題准。八旗官員。在民間報生子孫。暨親伯叔兄弟兄弟之子孫。雖載入佐領壯丁冊內為嗣者。亦不准承襲。○十七年題准。各姓新滿洲。累世輸誠進貢。復自本土遷移甯古塔烏喇地方。與舊滿洲官兵一體效力者。分別率衆遷移先後。給予世爵。○五十八年覆定。凡效力軍功原立官之人。所得之爵。給予伊子孫承襲。

雖襲次已完。若原立官本身現在。聽其給予應承襲之人承襲。若無應襲之人。留與伊本身。給食全俸。各旗遇此等之人。均查明引。

見承襲。○雍正十二年奏准承襲世爵人員。該旗咨部題覈。查其已得

誥命之後。又得官職者。計其襲次有過十次以上者。即令世襲罔替。未及十次者。仍歸併照依襲次承襲。不得概為世襲罔替。○又奏准八旗世爵員缺。該旗即將出缺緣由。並世爵

誥敕送部。由部查對案卷。有恭遇

恩詔加級之官。應行銷去者。查明銷減。咨覆該旗。

吏部

查其原領
樣。或載明承襲次數。其應承襲並應銷減之處。

義定
咨覆照部所定之爵。具奏承襲奉

旨後。仍咨部註冊。揭送內閣。增書

誥敕。○乾隆二年。奏准八旗世爵員缺。咨部覈議承襲時。如有在順治九年

恩詔以後。計功議敘得官。統計襲數未及十次。其原立之功。實在

恩詔以前者。該旗於咨內聲明。由部照

詔前得官人員例。一體歸併原官。世襲罔替。○十一

年題准。凡世襲官員所犯公私等罪。治以革職。加責者。察其所犯之罪。並非枉法婪贓。侵盜錢糧等罪。其所遺世爵。應准承襲。如現在乏嗣。亦無應襲族人。俟生子後。仍准承襲。若終身無嗣。該旗將原領

誥敕送部查銷。○十五年奏准。案會典內稱康熙九年題准。初授世爵。准襲次數。越十五次者。世襲罔替等語。所言越十五次以上者。雖未明言何爵。但以襲次類推。應是三等伯。今部內現辦之案。如雲騎尉騎都尉等爵。皆照會典所載次數。

辦理其越十五次以上者。尚未辦及。是以未經
置議。若不豫為酌定。將來無以遵循。按順治七
年

詔前封爵。均係開創軍功。應遵舊例。世襲罔替。
詔後封爵。如原封

誥敕內有世襲罔替字樣。亦仍遵照世襲。至未載世
襲罔替字樣者。應照一等子襲十四次之例。遞
加襲次。至一等公。應承襲二十六次。將應襲次
數。載於各爵之下。嗣後遇有封爵。除奉

特旨世襲罔替外。其餘均按襲次載入

誥敕。一等公襲二十六次。二等公襲二十五次。三等公襲二十四次。一等侯兼一雲騎尉襲二十三次。一等侯襲二十二次。二等侯襲二十一次。三等侯襲二十次。一等伯兼一雲騎尉襲十九次。一等伯襲十八次。二等伯襲十七次。三等伯襲十六次。一等子兼一雲騎尉襲十五次。一等子襲十四次。二等子襲十三次。三等子襲十二次。一等男兼一雲騎尉襲十一次。一等男襲十次。二等男襲九次。三等男襲八次。一等輕車都尉兼一雲騎尉襲七次。一等輕車都尉襲六次。二

等輕車都尉襲五次三等輕車都尉襲四次騎
都尉兼一雲騎尉襲三次騎都尉襲二次雲騎
尉襲一次。其承襲次數除原立官襲職外按次
計其如原立官未曾襲職其承襲官

作為原立官 ○又議定八旗陣亡人等從前皆給予
世爵今欽奉

諭旨將順治九年

詔後陣亡人等之子孫格外賞給七品官世襲罔替按
順治九年

詔後給予世爵人員其子孫現在有承襲官者亦有襲
次已完者查明皆係從前陣亡給予有襲次之

官。今與

恩旨相符。每人賞一七品官。令其世襲罔替。

世爵七品官。乾隆十

六年奏准。定為恩時誌。

○十六年奏准。按順治八年題准。

官員今遇

恩詔。其原有襲次者。均准世襲罔替。其原無襲次官員。

今

恩詔中准授騎都尉者。給予

敕書等語。是從前有給予

誥命。註明世襲罔替者。亦有給予

敕書。註明襲次者。向來總以

誥敕為憑。分別辦理。並非

詔前之官。一概准予世襲。罔替。嗣後承襲人員。查其

詔前所立之官。原頒

敕書載明承襲次數者。仍照例按次承襲。再乾隆十

五年欽奉

諭旨。詔後所立承襲之官。內有因陣亡給官。襲次已完者。給予七品官。令其世襲罔替。是

詔後陣亡世襲已沐

殊恩。今

詔前按次承襲之世爵內。有陣亡所立之官。亦歸併查

辨陣亡世爵內一例辦理○二十八年

諭恩騎尉世職原因襲職世次已完朕念其祖父曾在軍營出力特沛恩施賞給者承襲之人果能感念朕恩循分供職病故之後自應准其承襲其獲罪革退者即不應承襲嗣後承襲恩騎尉之人病故或因公罪革職者仍准予承襲若因貪婪私罪革職者俱不准承襲著為令○四十一年

諭例載陣亡所得之世職襲替世次完後仍賞給恩騎尉世襲罔替此特欲陣亡之子孫常荷朕恩之至意但陣亡之人有親生子孫者理應如此辦理若原立

職之人。並無子嗣。令其胞弟兄承襲者。即襲職之人。有子與孫。亦不過照例計其應襲次數。襲替而已。不必賞給恩騎尉。世襲罔替。著為令。滿漢世職各官。若以胞姪遞繼為嗣。

襲次完時。即原立官雖係陣亡。毋庸議給恩騎尉。 ○四十七年

諭。陣亡人等照例給予世職。襲次完後。仍賞給恩騎尉。世襲罔替。而傷亡人等。照陣亡人等給予世職。已屬從優。若再賞給恩騎尉。似無區別。嗣後傷亡人等。毋庸議給恩騎尉。○嘉慶四年奏准。嗣後遇有欽奉特旨賞給公侯伯等爵。襲次越十五次以上者。若無世襲罔替字樣。仍按次數承襲。○又奏准。凡軍

功賞有世爵官員。其原立官襲職後。又以軍功

賞有世爵。准其合併一爵承襲。

如雲騎尉又得一雲騎尉則合

為騎都尉。進加至一等公。如奉

特旨晉封之爵。照晉封承襲。即將原爵註銷。如承襲祖父世爵人員。又因軍功賞有世爵。亦准合併一爵承襲。如奉

特旨晉封之爵。仍准其合併一爵承襲。○又奏准。效力軍功所得世職。原立官或傷殘。或病廢。願將世襲告退。給予子孫承襲。其子孫病故。襲次已完。而原立官尚在者。給予全俸。由該旗請

旨定奪。○又奏准立爵人員。犯枉法婪贓。侵盜錢糧等罪。不准再襲。如係子孫輟轉承襲。遇犯前項重罪。除本人子孫不准承襲外。另簡立爵人。次房子孫承襲。無次房支派。准立爵人兄弟伯叔子孫承襲。○十年奏准恩騎尉世職缺出。其應襲止有一人。已經襲有別爵。或先經襲有恩騎尉者。准其一人兼襲。俟有應分襲之子嗣。仍准其分襲。○又奏准滿洲蒙古漢軍承襲恩騎尉人員。如本條文武生員承襲後。情願考試者。准其照例考試。仍隨旗當差。給予世職俸餉。其本

非文武生員。情願呈改文武生員。應各項考試者。准其呈改一體考試。不復給于世職俸餉。○又奏准。內外各官承襲世職。郎中等官承襲輕車都尉。員外郎等官承襲騎都尉。主事等官承襲雲騎尉。小京官承襲七品官。均係班聯相等。應令其兼襲。其有世職品大。文職品小。除奉

特旨准其兼襲。不必開缺外。餘俱在世職上行走。所遺員缺。另行銓補。至承襲世職人員內。有不嫻弓馬。願就本身文職。查與世職品級相當者。准其兼襲。若品級大小懸殊。令其呈明督撫。驗看

給咨送部引

見將可否以原官承襲之處恭候

欽定。此內如有不習弓馬情願考試文場者亦令督撫咨明兵部據咨具奏請

旨。○十一年奏准承襲恩騎尉之人病故或因公罪革職並無餘罪者所出之缺准令出缺之子孫承襲或因公罪革職後尚有餘罪者所出之缺另簡原立官親子孫承襲若犯貪婪一切重罪者雖有立官人之親子孫俱不准承襲。○道光三年

職任開缺。如承襲鎮國公輔國公不入八分鎮國公輔國公。其未襲之前。已有二品以上文職。仍准兼任。如係三品以下文職。應即開缺。毋庸兼任。至鎮國輔國奉國奉恩各將軍。如在承襲或封授之前。已經得授文職。奉有

特旨。無論現襲之世職。與現有之文職。品級是否相當。均准一體兼任。至由四品宗室得授贊禮郎。並宗學總副管等官。後經承襲世職。均將職任開缺。令專在世職上行走。如由文舉人。繙譯舉人。承襲奉國將軍奉恩將軍世職後。准其一體

會試如經中式文進士繙譯進士後奉

旨以何項官職錄用。及由庶吉士散館大考改補人員。並鎮國將軍至奉恩將軍世職承襲後奉有諭旨賞給何項差使均係

特旨錄用之員。即無論品級俱遵

旨准其兼任。如由現任文職官員已經兼襲鎮國將軍以下世職後緣事將職任降調覈其所降之職任與現有之世職品級尚應兼者仍准其兼任。若已非應兼之職任即專令在世職上行走。至宗室覺羅騎都尉雲騎尉及恩騎尉世職遇

有缺出。向由該旗辦理承襲。其應兼職任之處。即由該旗行知該衙門。查照旗員之例辦理。其鎮國將軍及奉恩將軍世職。在未經承襲之先。已經得授武職。職任者。仍查照向例辦理。○光緒七年奏准。文職官員陣亡。有奉

特旨指明照何項官銜議卹。應即欽遵辦理。如奉旨交部議卹。按照陣亡例議給世職。俟襲次完時。給予恩騎尉世襲罔替。如奉

旨從優議卹。仍照例議給應得世職。襲次完時。給予恩騎尉世襲罔替。從優再照官階議給贈銜。其

有欽奉

特旨加等議卹者。係四品以下未入流以上各官。例應議給雲騎尉者。則加等議給騎都尉。二三品各官。例應議給騎都尉者。則加等議給騎都尉。加一雲騎尉。正從一品各官。例應議給騎都尉。兼一雲騎尉者。則加等議給三等輕車都尉。襲次完時。各給予恩騎尉。世襲罔替。如由臣下奏請加等議卹。並非欽奉。

特旨。仍照定例分別議給世職。再照從優例給予應得贈銜。不得按世職以次遞加。至傷亡人員。奉

旨交部議卹。例應議給世職。襲次完時。毋庸給予恩騎尉世襲罔替。如奉

旨從優議卹者。仍按品級議給世職。襲次完時。亦毋庸給予恩騎尉世襲罔替。從優再給予贈銜。如陣亡傷亡從優議卹各員。其已奉

特旨追贈。或已賞給何項官銜者。即毋庸再議加贈。○十一年奏准。滿漢官員軍功所立之爵。原立官係陣亡者。除奉

特旨賞給本爵世襲罔替外。其按次數承襲者。俟襲次完時。給予恩騎尉世襲罔替。其非陣亡所立

之爵。毋庸議給恩騎尉。若因軍功或傷亡減等特賞恩騎尉者。則襲一次。○又奏准世襲各官亡故所遺之缺。與其親生子孫承襲。若無親生子孫。有應繼之親姪。過繼為嗣者。准其承襲。如無可繼之親姪。方與其親弟兄承襲。如無親弟兄。即年諭旨准與親祖父伯叔兄弟性男姪孫承襲如接襲官身故。即與接襲官之子孫承襲。若接襲官並無親生子孫。仍准與其親弟兄承襲。如均無其人。亦無原立官本支之人。可繼可襲。准其擇族中之姪男姪孫為嗣承襲。若無則將

誥敕繳銷。如原立官本支尚有應襲之人。雖與出缺之接襲官行輩不符。亦准承襲。其另戶異姓之子過繼為嗣。不准承襲。○又奏准世爵之姓名。及承襲之子孫。均彙書於

皇冊。歲終合計一歲承襲之爵。應行填寫。由吏部會同宗人府同日奏

聞奉

旨。後吏部行文內閣。並內務府轉行總管太監處。謹將

皇冊領出。送至

保和殿吏部滿右侍郎帶領司員會同內閣學士
帶領繕寫清字中書將八旗外藩蒙古漢世爵
襲替爵秩會同宗人府將王公覺羅二冊一例
朱墨分書增註存者朱書歿者墨書告休黜革
廢員一併朱書○又奏准八旗世職

皇冊每屆十年其中有襲次已完及篇幅漸滿者應
行奏明修輯一次

綠營世職○乾隆三十二年

諭朕恭閱

實錄內所載海澄公黃芳度閩門殉節忠蓋可嘉業經

准襲公爵十二次。以酬義烈。因思綠旗世職。向無承襲。罔替之條。但如黃芳度之捐軀授命。大義炳然。自應破格施恩。賞延於世。以昭褒忠盛典。至如征勦吳逆時。將軍張勇。趙良棟。王進寶。平定噶爾丹時。提督孫思克諸人。並各懋建勳庸。昭垂史冊。其承襲世職。亦當一體加恩。予以罔替。又如提督陳福。於王輔臣之亂。勤勞閫寄。被賊暗戕。及近日勦平回部時。總兵高天喜等。雖不如張勇等之勳勞茂著。然均能奮勇疆場。扞丹效命。皆宜厚予恩卹。用慰忠魂。其襲次滿時。俱著照八旗之例。賞給恩騎尉。俾其子孫得資以

上進。永遠承恩。世食忠貞之報。○又

諭。向來綠旗世職。無承襲罔替之條。第念官弁等果能宣力效忠。勲猷卓越。則國家延賞酬庸。誼無歧視。前經降旨。將黃芳度等。特准加恩。與其子孫永遠承襲世職。並令詳查國初以來。凡有功冊可稽者。分別等差。通行列名具奏。茲據覆奏。內有殉節陣亡之張國彥等十七員。又軍功較著之惠應詔等十四員。或致命疆場。克昭義烈。或折衝閭外。懋著勤勞。均宜錫以殊施。俾臣工共知激勸。所有張國彥等子孫。其世職有尚應承襲者。俟襲次完日。著加恩各賞恩騎尉。其

現在襲次已完者。亦著一體賞給恩騎尉。並准其世襲。罔替。庶盡臣後裔。得以長荷渥恩。副朕嘉績。褒忠之至意。○四十九年

諭向來綠營員弁陣亡議卹之例。止得難磨一次。非奉特旨。照旗員加恩予卹。不能得有世職。而其子孫年未及歲者。亦不能予襲。蓋因綠營人員。隨征打仗。本不如旗人奮勇出力。而綠營所得俸薪養廉等項。較多於旗人。其軍功議敘及賞賚一切。固不能一律。亦所當然。至效命疆場。則同一抒忠死事。朕不忍稍存歧視。嗣後綠營員弁除軍功議敘卹賞。仍照舊例辦

理外。若陣亡人員。無論漢人及旗人之用於綠營者。總應與旗人一體給予世職。即襲次已完亦應照例酌給恩騎尉。俾賞延於世。以示朕獎勵戎行。一視同仁至意。其應如何酌定章程之處。該部詳細妥議具奏。欽此。遵

旨議定。綠營陣亡人員。提督照參贊都統例議給騎都尉。兼一雲騎尉。總兵照副都統例議給騎都尉。副將以下。把總經制外委以上。照參領以下及有頂戴官員以上例。俱議給雲騎尉。文職一品官照參贊都統例。議給騎都尉。兼一雲騎尉。二

品三品官。照副都統例。議給騎都尉。四品官以下。未入流以上。照參領以下。有頂戴官員以上。例。議給雲騎尉。○又議准。報部。委署文武人員。均照旗員例。按委署品級。議給世職。其候補人員。即照實任官階。議給世職。至綠營人員。有先受世爵。後陣亡者。均照旗員例。辦理。○又議准。文武陣亡人員。應襲世職。俟襲次完時。均照旗員例。一體給予恩騎尉。世襲罔替。其因傷亡。議給世職者。襲次完時。毋庸給予恩騎尉。○又議准。凡陣亡。議給世職。應行承襲人員。令該督撫

查明年歲照依旗員例年已十八歲者送部引見承襲發標學習准食全俸其未及歲者先將宗圖冊結察覈具題請襲奉

旨後給予半俸俟及歲時補行引

見照例辦理○嘉慶二年題准捐職投效人員即照實任官議給世職○六年

諭乾隆六十年先經軍機大臣等將在京八旗從前殉節諸臣具奏補給恩騎尉世職茲又據各省陸續咨到從前殉節諸臣各該員子孫均著加恩補給恩騎尉世襲罔替該世職等除情願入標學習當差者仍

照舊例支給俸餉外。其有願應文試者。即以本職頂戴作為文生員。願應武試者亦如之。准其一體應試。○十年奏准。各省承襲雲騎尉人員。如本係文武生員。呈請考試者。准其應試。給予俸銀。其本非文武生員。於未經發標學習之前。呈請考試者。止准其以雲騎尉頂戴應試。不准食俸。其由捐納貢監生應襲世職。呈請考試者。亦不准食俸。如發標學習。未經期滿引

見者。亦准其一體呈改。其有應試數次。仍願入標學習者。俟其入標學習時。照例給俸。至期滿引

見後。世職人員。不准呈改。○又奏准。各省承襲恩騎尉人員。除情願入標學習當差者。仍照舊例支給俸餉外。其有情願呈請考試。如本係文武生員襲職者。給予俸銀。其改為文武生員應試者。不給俸銀。○咸豐二年奏准。未經就職之舉人。恩拔副歲優貢生。及廩增附文生員。並報捐之貢生監生。如隨同官兵打仗陣亡。奉

旨從優議卹者。均照外委陣亡例。議給雲騎尉世職。襲次完時。給予恩騎尉。世襲罔替。如係奉

旨照例議卹。舉人恩拔副歲優貢生。廩增附文生員。

其由康增附文生報捐貢
監生者仍照文生員數解均照官員傷亡例議

給雲騎尉世職襲次完時毋庸給予恩騎尉其由

俊秀報捐貢生監生者移咨禮兵
工等部給予卹賞毋庸擬給世職如係自衛村

堡並非官派打仗仍毋庸議卹○光緒七年奏

准各省奏請予卹人員凡聲明陣亡字樣並各

省有地方職守人員守禦城池城陷遇害無論

實缺委署均照陣亡例議卹其聲明巷戰身死

或打仗被戕或在營人員奉差遇賊被戕或奉

委率團助勦被戕者亦照陣亡例議給卹典如

並非軍營差遣亦非奉委辦團助勦於別城被

害。雖聲明係被賊戕害慘殺。或被焚赴水自殺等項。查無戰仗情形。均照殉難例議給卹典。不得援照陣亡辦理。○十一年奏准。騎都尉。輕車都尉及公侯伯子男世職。如應襲之人。係六品以上現任文職。請兼襲者。令該督撫將該世職宗圖冊結咨送。由兵部帶領引。

見。或照例承襲。或以原官兼襲。恭候

欽定。其七品以下文職微員。請兼襲雲騎尉世職者。亦照例將宗圖冊結咨部查覈。兵部查係合例。應襲之人。應令請咨赴部引。

見可否准其兼襲之處。恭候

欽定。

其品級相當者。仍照例毋庸送部。

○又奏准。候選文職各官。及

議敘保舉職銜人員。如因陣亡。議卹。均照實任

官各按品級。議給世職。

旗員漢員同。

○又奏准。革職

人員陣亡。奉

旨。照例議卹者。議給恩騎尉一次。從優議卹者。議給

恩騎尉世襲罔替。如奉

旨。開復原官者。仍照原官數議。

旗員漢員同。

○又奏准。文

職陣亡。傷亡人員。例應給予世職者。由兵部查

明該世職。應襲子嗣。題請承襲後。知照吏部。造

具夾片移送內閣。撰給襲職。

敕書頒發。○又奏准。各省漢世職人員出缺。該督撫將出缺緣由。並世爵。

誥敕送部。由吏部查明承襲次數。並應行銷減之處。覈定後。咨送兵部。題請承襲奉。

旨後。吏部將襲職。

誥敕揭送內閣。添寫用。

實給發。○又奏准。各省世職人員於缺出時。恭繳。

誥敕。應令該督撫黏貼印花。委員敬謹解送吏部。查覈辦理。如。

誥敕內語句並所用

御寶之處有磨損者除原繳

誥敕移送內閣換給外將襲職之員咨送兵部議處如解送之員不慎以致磨損者亦照例議處○又奏准各省漢世職人員應領襲職

誥敕該督撫於接到部文之日起限六箇月出具印領赴部請領交該世職敬謹收藏以昭慎重如逾限不領即發交駐京提塘承領解送並查取承辦遲延職名送部議處

優給半俸○康熙九年題准滿洲蒙古漢軍世

爵各官病故。無人承襲。註銷者。其妻存日。給予原官半俸。○十年題准。世爵病故。註銷者。其妻亡故。而原立官之人親母尚在。仍給半俸。若原立官之母已故。而襲爵官之母尚在者。亦給半俸。繼母與生母同。

外戚推恩。○原定。凡外戚推恩。

皇太后

皇后之父

特封一等公。歿者。追贈其子孫。世襲罔替。由該旗具

奏承襲咨部。

如不係推恩所封之

如后及公承襲之時請

延聖

旨。其已襲之子孫。有罪。至革職者。不准承襲。 ○乾隆四十三年

諭。后族承襲世爵。向來俱准一等公。此等特因椒房至戚。恩澤加封。其與佐命功臣。櫛風沐雨。拓土開疆者。實難並論。况宗室王公。之以近支恩封者。尚以世次遞降。而外戚轉得以崇封延世。未免過優。著將所有承恩公。俱改為三等公。世襲罔替。著為令。○道光

十三年

諭。會典內載皇后母家。例俱應封公爵。其不係嫡后及誕聖推恩所封。俟承襲時請旨等語。若是轉致參差。不能畫一。且無限制。嗣後嫡后之父。及誕聖推恩所

封者俱著封為三等承恩公。其不係嫡后者著封為一等承恩侯。皆世襲罔替。○咸豐十一年十二月諭吏部具題推封外戚以光盛典一本。后族承恩世爵。敬查乾隆年間

諭旨俱改為三等承恩公。又敬查道光十三年

諭旨嗣後嫡后之父及誕聖推恩所封者俱著封為三等承恩公。其不係嫡后者著封為一等承恩侯。皆世襲罔替。

聖訓昭垂。後世允宜遵守。惟朕兢兢在疚。皆賴

母后皇太后

聖母皇太后親裁大政。

撫育藐躬。

宵旰恩勤。莫能殫述。若拘泥成典。於推封之例。稍有區別。朕心實有未安。迺我

母后皇太后謙抑為懷。援據典章。力辭至再。經我

聖母皇太后申明顧復恩勤。與誕育無異。推恩典禮。毋得參差。朕思禮宜酌古。尤貴因時。

懿旨諄諄。權衡至當。况朕以子臣而推恩外戚。其間準情酌理。與道光年間所降

諭旨。原非一致。天下臣民。當無不共諒朕心也。除

孝德顯皇后母家業於道光三十年奉旨照例追封承襲公爵外。

母后皇太后

聖母皇太后母家均著援照乾隆四十三年成案推封公爵。以示尊崇之至意。所有追封承襲各事宜著各該衙門查照辦理。○同治元年

諭朕奉

母后皇太后

聖母皇太后恭詣田村

皇妣孝德顯皇后几筵前奠酒禮成瞻慕

遺徵。莫名愴惻。因念后族承恩世爵。於乾隆年間恭奉諭旨。俱改為三等承恩公。

皇妣孝德顯皇后母家。業於道光三十年奉

旨照例追封承襲公爵。惟朕前因

母后皇太后

聖母皇太后親裁大政。

撫育藐躬。

宵旰恩勤。靡可殫述。於推封之典。未敢拘泥成例。茲復

欽奉

母后皇太后

聖母皇太后懿旨以

皇妣孝德顯皇后為

皇考文宗顯皇帝元后。建事

皇曾祖妣孝和睿皇后。暨

皇祖宣宗成皇帝

皇祖妣孝靜成皇后。均克親承色笑。仰得

歡心。允宜逾格推恩。用示子臣尊崇至意。朕仰承

慈訓。倍切永思。

皇妣孝德顯皇后之第三等承恩公德懋著。晉封為一

等承恩公。特彰優眷。以篤尊親。○十一年吏部以

大婚慶典。奏請具題推封。

后族日期奉

旨著納采以前具題。

衍聖公襲爵。○順治元年題准。衍聖公襲爵。由該撫題請。由部具題。封爵一如前朝。階正一品。班列尚書上。有大慶典。並蒙

錫蔭。公階正一品。授蔭則依正二品。衍聖公由長子承襲。主子思子祀事五經博士。由衍聖公次子承襲。主聖澤書院祀事太常寺博士。由衍聖公三子承襲。○二年改。

賜行聖公三臺銀印。○十三年依例授光祿大夫。○十六年依例給清漢文三臺銀印。○康熙六十一年定行聖公

錫廕視正一品。廕一子五品官。著為例。○乾隆十四年改給清漢篆文一品三臺銀印。

行聖公官屬題補。○順治九年覆准。尼山書院學錄。由行聖公咨送弟姪題補。四氏學錄。洙泗書院學錄。由孔氏生員咨送題補。

至聖廟司樂。由各省生員咨送題補。管句典籍掌書書寫知印奏差。由行聖公保舉堪用人員。咨送

題補均由部照咨具題。○康熙四十一年覆准四氏學教授由衍聖公於舉人貢生內遴選送部題補。與直省各教授一例較俸升轉。○雍正二年覆准曲阜縣知縣衍聖公會同山東巡撫於孔氏族中簡選正陪具題引

見補授遇大計年分仍令衍聖公會同山東巡撫考覈。○八年奉

旨增設

聖廟執事官。三品二人。四品四人。五品六人。七品八人。八品九品各十人。各按品級給予章服。每逢

聖廟祭祀之時。度肅冠裳。駿奔趨事。遇有缺出。令衍
聖公會同山東學政。於孔氏族中。秉公遴選。擇
其人品端方。威儀嫻雅者。報部充補。由部於年
終彙題。每年各給俸銀二十兩。其孔氏子孫內
情願充補之人。或曾經出仕而退休在籍。或身
有職銜而未曾出仕。以及貢監生童等。皆可入
選。若屆鄉試之期。其充補之生童。有情願入場
者。以監生入場應試。○乾隆三年議准。

聖廟執事官給封。悉照本身實在職銜。給以應得
封典。原無職銜之貢監生童。均以八品給封。○二十

一年

諭吏部議覆曲阜縣知縣改為題缺一本闕里為毓聖之鄉。自唐宋以來率以聖裔領縣事。夫大宗主壺。既已爵列上公。而知縣一官。專以民事為職。奉法令則以裁制傷恩。厚族黨則以偏私廢事。甚至因緣為姦。蓋蓋不飭者有之。且亦非古人易地而官之道。我國家尊崇

先聖。遠邁前朝。延恩後葉。有加無已。豈於此而有靳焉。但與其循舊制而致瘵官。有乖政體。何如通變宜民。俾吏舉其職。民安其治。於邑中黎庶。孔氏族人均

有裨益。著照該部所請行。其現任世職知縣。既已却事。若歸部改銓。不過思及其身而止。於朕心猶有未愜。著加恩授為世襲六品官。仍令揀選充補。用副朕重道崇儒至意。○又議准。原世職曲阜縣知縣。欽奉恩旨授為世襲六品官。專主

崇聖祠祀事。缺出悉照執事官之例。揀選咨部彙題。如係進士舉人補授。遇本班應選之年。照例銓選。由貢生生員補授者。遇鄉試之年。一體鄉試。○二十六年議准。四氏學教授缺出。應令行聖公於舉人貢生內揀選。或於歷俸六年之學

錄內揀選。移咨撫臣驗看。再行保送。四氏學學錄於孔氏歲貢。及廩生捐貢內。與生員現係廩生者。一體揀選。亦移送撫臣驗看。保送咨部題補。

世襲五經博士。○順治元年議准。顏曾孟仲五經博士。由嫡派子孫承襲。俱照行聖公咨送題補。由禮部具題咨送嫡派子孫到部。題請承襲。凡世襲五經博士。令行聖公交現在博士各將子弟嚴加訓導。將應行承襲之人。由行聖公保送禮部考試。果能文理通曉。註冊存案。俟應承

襲之時。行聖公查案具題。准其承襲。○九年覆
准。南宗孔氏世襲五經博士。由嫡派子孫承襲。
○康熙二十四年議准。周公後裔閔子後裔。端
木子後裔。言子後裔。冉子雍後裔。冉子耕後裔。
顛孫子後裔。裔有子後裔。卜子後裔。闕氏後裔。宋
儒朱子後裔。程子後裔。周子後裔。張子後裔。邵
子後裔。均世襲五經博士。○二十五年議准。以
宋儒朱子後裔。世襲五經博士。○二十九年覆
准。宋儒朱子閩派嫡孫。世襲五經博士。○四十
年覆准。以宋儒邵子後裔。世襲五經博士。○五

十一年題准以言子後裔。世襲五經博士。○五十八年題准以關氏後裔。世襲五經博士。○乾隆三年議准韓子後裔。世襲五經博士。由河南巡撫查明大宗嫡派子孫承襲具題。禮部查覈議准。咨部給發劄付。○嘉慶七年議准查伏勝為秦博士。秦時焚書。六經幾至息傳。漢孝文時能治尚書者無有其人。賴伏勝口授尚書於晁錯。自是典謨誓誥之文藉以不墜。其傳經之功甚鉅。既據山東巡撫查明伏勝祠墓碑記遺蹟尚存。嫡派子孫世系可考。應添設五經博士一

員准其承襲仍俟咨送禮部考驗後再行咨部
給發劄付

明代後裔世襲延恩侯○雍正二年

諭朕近於

聖祖仁皇帝所貽書筭中檢得未經頒發

上諭一道以明太祖崛起布衣統一方夏經文緯武為
漢唐宋諸君之所未及其後嗣亦未有如前代荒淫
暴虐亡國之迹欲大廓成例訪其支派一人量授官
職以奉春秋陳薦仍世襲之朕伏讀之下仰見我

聖祖仁皇帝海涵天覆大度深仁遠邁百王超軼萬古

朕思史紀東樓。詩歌白馬。商周以來。無不推恩前代。後世頗多疑忌。以致歷代之君。宗祀殄絕。朕仰體

聖祖如天之心。遠法隆古盛德之事。謹將

聖祖所貽

上諭頒發。爾等訪求明太祖支派子姓一人。量授職銜。俾之承襲。以奉春秋祭饗。但恐有明迄今。年代久遠。或有姦徒假冒。致生事端。爾內閣大學士。即會同廷臣。詳明妥議。以副

聖祖仁皇帝寬仁矜恤之至意。欽此。遵

旨。確訪明代後嗣。鑲白旗漢軍知府朱之璉等六人。引

見奉

旨。朱之璉著授為一等侯世襲。其族內人丁。准入正白

旗